

道門科範大全集卷之四十九 啓三

廣成先生杜光庭刑定

南北二斗同壇延生醮儀

啓壇行道

法事陞壇如式

各禮師存念如法

宣衛靈呪

五星列照煥明五方 水星却災木德致昌
熒惑消禍太白辟兵鎮星四據家國利亨
名利玉簡字錄帝房乘殿散景飛騰太空
出入冥無遊宴十方五雲浮蓋招神攝風
役使萬靈上衛仙翁和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真臣令
設醮行道謹奉為入意其謹誠悃已錄告聞
願得

太上十方正真道炁靈寶瑞光下降流入臣
身中令臣所啓速達徑御
至真無極大道

昊天玉皇上帝御前

請稱法位

具位 臣某與闔壇眾等今正爾燒香以是功
德奉為

天子王侯百辟僚屬經籍度師山林巖棲修
真之士同學之人九親姻族天下人民飛行
動植一切眾生今故燒香歸身歸神歸命
太上十方靈寶自然至真無上大道乞賜原
赦臣法眾等及醮主某家前世今生無邊之
罪得免離三災八難眾惡之中使智慧圓明
魂神澄正出羣迷之徑登衆妙之門身得道
真飛行虛空白日昇天侍衛道君道遠無上
金闕七寶自然宮永與道合所啓通感上御
至真無極道前
禮十方 懺悔
重稱法位
具位 臣某與闔壇眾等謹同誠上啓

虛無自然元始天尊太上大道君太上老君
昊天玉皇上帝九皇上真十方已得道大聖
眾至真諸君丈人三十六部尊經玄中大法
師圓宮玄象日月星辰北斗尊帝七元輔弼
星君南極大帝丈人司馬六司星君本命元
辰洞天海嶽三界官屬一切真靈臣等伏聞
大道無形孰究希微之旨至真降世漸開汲
引之門感引誓於天師降真符於蜀郡龍軒
所至玉局在前首談北斗之經次演南昌之
旨道存水火職隸死生明於高者為陽動之
官乃常靜而不變習於坎者稟一元之數則
密運以無方是知經首之幽微昭示定觀之
宗趣倘眾生持念之甚確如兩極麗天之有
常不為物遷秉道樞而轉物自臻神王明智
燭以全神斯視聽言動之有規致壽考康寧
之咸備矧茲指像而說法使之向道以回心
倘未悟於玄言豈能超於災障當崇福善劇
至康榮奉道恭圖形器於兩間稟精神於一
炁識暗衛生之理智昏慮忘之機幸真科開
悔謝之門使迷徑有亨通之路式啓紫壇之

懸特延玄象之旂對越光靈道迎休德屬臣
闕告敢不上聞

宣詞

按如詞言丹誠懇切致兩極同科之敬賤九天御曆之尊心聲宣一至之誠香德燎眾芳之馥飾黼座於玄虛之上薦芝華於象緯之前鶴袍端簡以情思星壇發瑞熊驛御空而達欵雲路生光延佇之心不寒而立精純之念有感必通伏願

太上三尊十方大聖玄中大法師垂神鑒映省覽所陳敕勒靈寶官屬侍經感神絳章繡衣之官擎羊陀羅之使遊空飛步臨集壇場錄善表功門闈穹壤更覲流精散炁營衛臣及弟子等身清蕩內外降伏妖魔通達虛元咸降真聖使齋功成就無有空滯明晨行道續更啓聞

十二願

復爐

謹攝香官使者左右龍虎君侍香諸靈官當令臣向來啓壇行道之所自然生金液丹碧

芝英百靈眾真交會在此香火爐前當願十方仙童玉女捧侍蘭煙傳臣向來所啓之誠速達徑御

至真無極大道

昊天玉皇上帝御前

出堂頌

出戶

道門科範大全集卷之四十九

道門科範大全集卷之五十五五十二卷 啓

廣成先生杜光庭制定

南北二斗同醮儀

清旦行道

法事陞壇如式

各禮師存念如法

宣衛靈呪

青陽虛映耀日回靈神虎辟邪飛天流鈴摧奸滅試萬魔束形九微回道人威攝精千真校錄三元蕩清左嘯中黃右策六丁七轉八合周旋天經聖化魏魏大道興行慶雲流布合景黃庭和與道合真

鳴法鼓二十四通

無上三天玄元始三炁太上道君太上老君召出臣身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓關啓玄壇土地方域神真臣今清旦行道謹奉為入意其諸誠悃已錄奏聞願得